

**Suliffeqarfinni tamani pilerisaarutit taamatuttaaq atuisunut allakkat sulluunniit nassiunneqartartut pinngitsooratik aamma kalaallisut allagartaqartalernissaat pillugit Naalakkersuisut siunnersuuteqaqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Malik Berthelsen, Siumut)

**Akissuteqaat**

(Kultureqarnermut, Ilinniartitaanermut, Ilisimatusarnermut, Ilageeqarnermullu Naalakkersuisoq)

**Siullermeerneqarnera**

Naalakkersuisut Malik Berthelsen siunnersuutaanut qutsavigaat.

Oqaatsinut politikki pillugu Inatsisartut inatsisaat upernaq Inatsisartut ataatsimiinneranni naammassillugu suliarineqartup eqqartorneqarnerani apeqqutit assigiinngitsut sammineqartup.

Sammineqartut ilaat aammalu innersuussutigisassara tassaavoq allagartalersuineq aammalu ussasaarutit pillugit aalajangersagaqareermat, tassa Atuisartunut pisisartunullu siunnersuisoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit inatsisartut inatsisaanni nr. 10, 13. november 1986-imeersumi ilaatigut imaqarmat piunasaqaatigineqarlunilu, pisiassamut ilitsersuummi oqaatsit atorineqartut pisisussamit paasineqarsinnaasuussasut. Ilanngullugu innersuussutigisavara radiomut tv-mullu tunngasuni maleruagassaqaqarmat radiomi tv-milu ussasaarutit kalaallisuujuussasut imaluunniit kalaallisut ataatigut allagartalersugaassasut. Tamanna aalajangersarneqarpoq Namminersornerullutik Oqartussat nalunaarutaanni nr. 8. 5. juli 2006-meersumi.

Aammattaaq innuttaasut isummaminnik ersersitsisinnaapput kissaatigalugu kalaallit imaluunniit danskit oqaasii atorlugit sullinneqarumallutik, taamatullu nalunaarneq pisortanit malinneqartussaavoq, Pisortat ingerlatsineranni suliaassat suliarineqartarnerat pillugu Inatsisartut inatsisaat nr. 8. 13. juni 1994-imeersoq Inatsisartut inatsisaatigut nr. 21 30. oktober 1998-immeersukkut allanngortinneqartoq tunngavigalugu.

Oqaatsinut politikki pillugu Inatsisartut inatsisaat upernaq ataatsimiinnermi pingajussaaneerineqarluni amerlanerussuteqartunit akuersissutigineqarmat Naalakkersuisut aalajangiuppaat ataatsimiititaliap isummersuutai sulinerminni aammalu innuttaasunik oqallitsitsinerneq isumasioqatigiinnermilu isummersuutit ilanngullugit suleriaqqinnissaq.

Naalakkersuisut siunnersuummut isumaqataapput, taamaattoq Naalakkersuisut qulaajarusuppaat suliffeqarfinni tamani pilerisaarutinik taamatuttaaq atuisunut allakkat sulluunniit nassiunneqartartut pinngitsooratik aamma kalaallisut allagartaqartalernissaat pillugit pisinnaatitsisinaanermik periarfissat suunersut, ingammik suliffeqarfinni mikisuni naapertuutinningsumik allaffissornikkut angissusianut naleqqiullugu nammagassiinissaq eqqarsaatigalugu. Qulaajaanermanni suliffeqarfimmi kattuffiit susassaqaqartullu attuumassutillit peqatigalugit ingerlanneqassaaq.

Siunnersuummi taakkartorneqartut aallaavigalugit Naalackersuisut 2011-imi Inatsisartut ukiakkut ataatsimiinneranni naammassisussanngorlugu Oqaatsinut politikki pillugu Inatsisartut inatsisaat allannguutissatut siunnersuusiorfigissavaat.

Naalackersuisut taamatut oqaaseqarlutik siunnersuutip akuerineqarnissaa inassutigaa.